

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
UPRAVA POLICIJE
SARAJEVO

Broj: 02 -14-4-1767-4/19

Datum: 20.05.2019.godine

Na osnovu člana 23. stav (3) tačka h), te člana 24. stav (1) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16), člana 69. stav 1. tačka a), a u vezi sa članom 70. stav 3. Zakona o javnim nabavkama („Službeni glasnik Bosne i Hercegovine”, broj 39/14), člana 9. Pravilnika o uslovima i načinu korištenja e-aukcije („Službeni glasnik BiH” broj 66/16) i preporuke Komisije za sukcesivne nabavke za potrebe Uprave policije, imenovane Rješenjem broj: 02/5-1-14-4-2625/19 od 13.05.2019. godine, u postupku javne nabavke usluga kolektivnog osiguranja zaposlenika, putem otvorenog postupka, za policijskog komesara načelnik Sektora kriminalističke policije, Uprave policije Ministarstva unutrašnjih poslova Kantona Sarajevo, d o n o s i:

ODLUKU

1. Prihvata se preporuka Komisije za sukcesivne javne nabavke i okvirni sporazum za javnu nabavku usluga kolektivnog osiguranja zaposlenika Uprave policije Ministarstva unutrašnjih poslova Kantona Sarajevo dodjeljuje se ponuđaču Adriatic osiguranje dd Sarajevo, ponuda br. 02-14-4-2282 (interni broj: 81/19-JG), za ponudenu cijenu od 156.854,88 KM bez PDV-a.
2. Postupkom javne nabavke predviđeno je potpisivanje Okvirnog sporazuma na period od 2 (dvije) godine. Okvirnim sporazumom Ugovarač osiguranja i Osiguravatelj mogu u toku cijelog perioda na koji se sporazum zaključuje, zaključivati ugovore iz oblasti predmetne nabavke. Ukupna vrijednost pojedinačno zaključenih ugovora ne može biti veća od prihvaćene cijene ponude.
3. Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog okvirnog sporazuma o nabavci dostavit će se na potpis izabranom ponuđaču Adriatic osiguranje dd Sarajevo po isteku zakonom predviđenog roka od dana od kada su svi ponuđači obaviješteni o izboru najpovoljnije ponude.
4. Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

Obrazloženje

Na osnovu Odluke broj: 02-14-4-1767/19 od 28.03.2019. godine i Obavještenja o nabavci broj: 16475-1-2-39-3-30/19 od 02.04.2019. godine, proveden je otvoreni postupak javne nabavke usluga kolektivnog osiguranja zaposlenika Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-14-4-1767/19 od 25.04.2019.godine, za aktivno učešće u postupku dostavljene su ponude ponuđača: Adriatic osiguranje d.d. Sarajevo, Wiener osiguranje VIG a.d. Banja Luka, Asa osiguranje d.d. Sarajevo, konzorcij Triglav osiguranje dd Sarajevo i Sarajevo osiguranje dd Sarajevo, te Croatia osiguranje d.d. Mostar.

Komisija za sukcesivne nabavke za potrebe Uprave policije (u daljem tekstu Komisija) izvršila je pregled i ocjenu dostavljenih ponuda, te sačinila Zapisnik o pregledu i ocjeni ponuda, broj: 02-14-4-1767-2/19 od 09.05.2019. godine, kojim je utvrdila sljedeće:

- da ponuda ponuđača Croatia osiguranje d.d. Mostar nije prihvatljiva, a u skladu sa članom 55. stav 1. Zakona o javnim nabavkama ("Službeni glasnik BiH", br. 39/14), te članom 9. stav 4. Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, br. 90/14 i 53/15). Naime, ista nije dostavljena na način propisan gore navedenim odredbama. U skladu sa naprijed navedenim, daljnja evaluacija ponude ponuđača Croatia osiguranje d.d. Mostar nije vršena. Shodno naprijed navedenom ista nije prihvatljiva.

- da ponuda ponuđača Wiener osiguranje VIG a.d. Banja Luka nije prihvatljiva, a u skladu sa članom 58. stav 1. tačka g) Zakona o javnim nabavkama ("Službeni glasnik BiH", br. 39/14). Ista nije dostavljena u skladu sa gore navedenom odredbom. Naime, punomoć broj: 001-8103/19 od 22.04.2019. godine, a koja je sastavni dio ponude ponuđača Wiener osiguranje VIG a.d. Banja Luka, nije data od strane lica koje je prema izvodu iz sudskog registra ovlašteno za zastupanje, već od strane lica ovlaštenog po punomoći broj: 001-8103/19 od 22.04.2019. godine. Takođe, iste nisu ovjerene od strane nadležnog organa. S tim u vezi, punomoć broj: 001-2354716 od 12.10.2016. godine, a s njom u vezi i punomoć broj: 001-8103/19 od 22.04.2019. godine, nije valjana, te Komisija cijeni da lice koje je u potpisu Izjava i drugih Aneksa sadržanih u ponudi, a datih u tenderskoj dokumentaciji predmetne nabavke, nije ovlašteno za potpis istih. U skladu sa naprijed navedenim, ponuda ponuđača Wiener osiguranje VIG a.d. Banja Luka nije prihvatljiva.

- ponude ponuđača Adriatic osiguranje dd Sarajevo, Asa osiguranje dd Sarajevo i konzorcij Triglav osiguranje dd Sarajevo i sarajevo osiguranje dd Sarajevo su prihvatljive, zadovoljavaju uslove tražene tenderskom dokumentacijom.

E-aukcija je zakazana za dan 15.05.2019. godine sa početkom u 14.00 sati sa trajanjem od 10 minuta. Postupajući u skladu sa članom 3., te članom 4. stav 6. Pravilnika o uslovima i načinu korištenja e-aukcije („Službeni glasnik BiH“, broj 66/16) na e-aukciju su pozvane samo ponuđači čije su ponude prihvatljive.

Nakon završetka e-aukcije Ugovorni organ je dobio izvještaj Agencije za javne nabavke BiH o uspješno završenoj e-aukciji i najpovoljnijem ponuđaču nakon završetka e-aukcije.

Rang prihvatljivih ponuda prema kriteriju za dodjelu ugovora „najniža cijena“ nakon provedene e-aukcije na osnovu konačne rang liste ponuđača koji su pozvani da učestvuju u e-aukciji iz Izvještaja o toku i završetku e-aukcije:

Naziv ponuđača	Ukupna cijena ponude, bez PDV-a
Adriatic osiguranje d.d. Sarajevo	156.854,88
Asa osiguranje d.d. Sarajevo	177.690,24
Triglav osiguranje d.d. Sarajevo i Sarajevo osiguranje d.d. Sarajevo	180.835,20

Prema Izvještaju o toku i završetku e-aukcije nije bilo podnošenja novih cijena, Ugovorni organ je prihvatio ponudu prvorangiranog ponuđača Adriatic osiguranje dd Sarajevo sa konačnom cijenom od 156.854,88 KM bez PDV-a.

U skladu sa članom 68. stav 4. tačka j), a u vezi sa članom 55. stav 1. Zakona o javnim nabavkama ("Službeni glasnik BiH", br. 39/14), te članom 9. stav 4. Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, br. 90/14 i 53/15), takođe članom 58. stav 1. tačka g) Zakona o javnim nabavkama ("Službeni glasnik BiH", br. 39/14), ponude ponuđača Croatia osiguranje dd Mostar i Wiener osiguranje VIG ad Banja Luka se odbacuju.

U postupku donošenja ove Odluke posebno su cijjenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa Zapisnikom o pregledu i ocjeni ponuda i Izvještajem o toku i završetku e-aukcije riješeno je kao u dispozitivu.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi, putem ovog Ugovornog organa, u pisanoj formi, neposredno, elektronskim putem, faxom ili poštom preporučeno, u roku od 10 (deset) dana od dana prijema ove Odluke, a u skladu sa članom 99. i 101. stav 1. tačka d) Zakona o javnim nabavkama BiH („Službeni glasnik BiH“ broj:39/14).

**za POLICIJSKOG KOMESARA
NAČELNIK SEKTORA KRIMINALISTIČKE POLICIJE
Glavni inspektor**

Milorad Bašić

Dostaviti:

1. Komisiji za sukcesivne nabavke
2. Ponuđačima
3. Odjeljenju za odnose s javnošću, radi objave na web stranici ovog organa
4. a/a